



MIA 1 19 00000132



30/10/2019

ხელშეკრულება N132
სახელმწიფო შესყიდვის შესახებ
ელექტრონული ტენდერის აუქციონის გარეშე
cpv – 45261910

ქ. თბილისში

ერთის მხრივ, საქართველოს შინაგან საქმეთა სამინისტროს ქ. თბილისის პოლიციის დეპარტამენტი (მის: ქ. თბილისი დიდის მას. II კვ. კ. ჩალაძის ქ. N1. ს/კ 211369179) შემდგომში - შემსყიდველი, წარმოდგენილი - საფინანსო-სამეურნეო უზრუნველყოფის სამმართველოს უფროსის **გოგიტა პოპიაშვილის** (საფუძველი: შსს ქ. თბილისის პოლიციის დეპარტამენტის დირექტორის 2018 წლის „12“ სექტემბრის N2226022 მინდობილობა) სახით და

მეორეს მხრივ, **შპს „პოლიმერი“** (ს/კ 405005202; მის: ქ. თბილისი, ვაკე-საბურთალოს რაიონი, ბახტრიონის ქ. N26, ბ. N33 ტელ: 5579190800. ელ-ფოსტა: Gbolkvadze@gmail.com საბანკო რეკვიზიტები: ბანკის კოდი CBASGE22, ანგ N GE88BS0000000059136084, ს/ს „ბაზისბანკი“) შემდგომში – მიმწოდებელი, წარმოდგენილი დირექტორის **გიორგი ბოლქვაძეს** სახით, ვადასტურებთ, რომ ჩვენს შორის მიღწეულია შეთანხმება შემდეგზე:

შემსყიდველმა ჩაატარა **NAT190019685** ელექტრონული ტენდერი **შსს ქ. თბილისის პოლიციის დეპარტამენტის ტერიტორიული დანაყოფების ადმინისტრაციული შენობების სახურავის ჰიდროსაიზოლაციო სამუშაოების სახელმწიფო შესყიდვაზე** და მიიღო მიმწოდებლისგან სატენდერო წინადადება სამუშაოების შესრულებაზე შემდეგ თანხაზე **57971.63 (ორმოცდაჩვიდმეტიათასცხრასამოცდათერთმეტი ლარი და 63 თეთრი) ლარი**, შემდგომში ხელშეკრულების ფასი. ხელშეკრულების ჯამური ღირებულება მოიცავს მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

1. ხელშეკრულების შესყიდვის ობიექტი: - შსს ქ. თბილისის პოლიციის დეპარტამენტის ტერიტორიული დანაყოფების ადმინისტრაციული შენობების სახურავის ჰიდროსაიზოლაციო სამუშაოები ხელშეკრულებაზე თანდართული ხარჯთაღრიცხვის შესაბამისად, რომელიც წარმოადგენს მის განუყოფელ ნაწილს.

2. დაფინანსების წყარო - 2019 წლის სახელმწიფო ბიუჯეტი.

3. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

3.1 „ხელშეკრულება სახელმწიფო შესყიდვის შესახებ“ (შემდგომ ხელშეკრულება) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული

ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული;

3.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულ და ზედმიწევნით შესრულებისათვის;

3.3 „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას, რომელიც ახორციელებს შესყიდვას;

3.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;

3.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

4. ხელშეკრულების შესრულების კონტროლი

4.1 შემსყიდველის უფლებამოსილ წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე.

4.2 ხელშეკრულების შესრულების კონტროლს (ინსპექტირებას) განახორციელებს შსს ქ. თბილისის პოლიციის დეპარტამენტის საფინანსო-სამეურნეო უზრუნველყოფის სამმართველოს სამეურნეო უზრუნველყოფის განყოფილების სარემონტო სამუშაოების ორგანიზებისა და ტექნიკური ზედამხედველობის ჯგუფის უფროსი **კახაბერ ლაბაძე**.

4.3 ინსპექტირების განმახორციელებელი პირის ფუნქციებია: შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლი, ზედამხედველობის განხორციელება და მიღება-ჩაბარების აქტის გაფორმება.

4.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.5. კონტროლის შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით.

4.6. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ.

4.7 შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე, თანახმად საქართველოში მოქმედი ყველა სამშენებლო ნორმების, სტანდარტების და წესებისა, რომელთა დარღვევის შემთხვევაში შემსყიდველს გააჩნია უფლება შეაჩეროს სამუშაოები და განახორციელოს კანონით გათვალისწინებული სანქციები.

5. სამუშაოს შესრულების პირობები

5.1 მიმწოდებელი ვალდებულია ხარჯთაღრიცხვაში მითითებული სამუშაოები განახორციელოს **ხელშეკრულების გაფორმებიდან 40 კალენდარული დღის განმავლობაში**.

5.2 მიმწოდებელი ვალდებულია სამუშაოები განახორციელოს საქართველოში მოქმედი ყველა საჭირო ნორმებისა და წესების მოთხოვნათა სრული დაცვით, ხელშეკრულების პირობების შესაბამისად.

5.3 მიმწოდებელი ვალდებულია სამუშაოთა შესრულებისას დაიცვას შრომის უსაფრთხოების ნორმები და პირობები.

5.4 მიმწოდებელი ვალდებულია სამუშაოთა შესრულებისას არ დააზიანოს შემსყიდველის ქონება. თუ ინსპექტირების შედეგად გამოვლინდება მიმწოდებლის მიერ შესყიდველის

ქონების დაზიანების ფაქტი, შედგება შესაბამისი აქტი, მიმწოდებელი ვალდებულია სრულად აანაზღაუროს მიყენებული ზარალი. იმ შემთხვევაში, თუ შემსყიდველის მიერ ზიანის ანაზღაურების თაობაზე მიმწოდებლისთვის ოფიციალურად შეტყობინებიდან 10 დღის განმავლობაში მიმწოდებლის მიერ არ ანაზღაურდება ზარალი სრული ოდენობით, შემსყიდველი უფლებამოსილია, ზიანის ოდენობის ფარგლებში, მიმწოდებელს არ აუნაზღაუროს შესრულებული სამუშაოს ღირებულება.

5.5. ხელშეკრულების მოქმედების პერიოდში ხართადრიცხვაში მითითებული სამუშაოების რაოდენობები საჭიროების შემთხვევაში შესაძლებელია შეიცვალოს (გადანაცვლებულ იქნას ხართადრიცხვაში მოცემული სამუშაოების რაოდენობები) შემსყიდველის მოთხოვნის შესაბამისად.

5.6. იმ შემთხვევაში, თუ განსაზღვრული გარემოებების გამო, მიმწოდებლის მიერ შესრულებული სამუშაოების ღირებულებამ შეადგინა ამ ხელშეკრულებით გათვალისწინებულ ჯამურ ღირებულებაზე ნაკლები შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ერთეული ფასების გათვალისწინებით. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთა მოცულობების შესრულებაზე და მის გადახდაზე.

5.7 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

5.8 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაოებით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

5.9 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები სამუშაოების ზონაში ხანძრის გაჩენის და აფეთქების თავიდან ასაცილებლად.

5.10 სამუშაოების დასრულების შემდეგ მიმწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, სამშენებლო ნარჩენისაგან, ნაგვისგან და ა. შ.

5.11 მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში და საერთაშორისო მოქმედ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ პასუხისმგებლობის ღონისძიებები.

6. მიღება-ჩაბარების წესი

6.1 შესრულებულ სამუშაოზე გაფორმდება მიღება-ჩაბარების აქტი და ფორმა N2, რომლის თარიღითაც დადასტურებულად (მიღებულად) ჩაითვლება შესრულებული სამუშაოები. ხოლო ანგარიშსწორება მიმწოდებელთან განხორციელდება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ გაცემული დასკვნის (უზრუნველყოფს შესმყიდველი) საფუძველზე გაფორმებული საბოლოო მიღება-ჩაბარების აქტის, ფორმა N2-ის და საქართველოს კანონმდებლობით დადგენილი შესაბამისი დოკუმენტაციის გაფორმების შემდეგ, ყველა დოკუმენტი ხელმოწერილი უნდა იყოს შემსყიდველისა და მიმწოდებლის მხრიდან გამოყოფილი უფლებამოსილი წარმომადგენლების მიერ.

6.2 შუალედური ან საბოლოო შემოწმებების შედეგად გამოვლენილი დეფექტების ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. შესრულებული სამუშაოს ხარისხი და გარანტია

7.1 მიმწოდებელი პასუხისმგებელია შესრულებული სამუშაოების ხარისხზე, რომ შესრულებული სამუშაოები შესრულებული იქნება საქართველოში მოქმედი ყველა საჭირო წესების მოთხოვნათა დაცვით.

7.2 მიმწოდებელი სამუშაოებს ასრულებს თავისი მასალებით და პასუხისმგებელია მის ხარისხიანობაზე, შესრულებული სამუშაოები უნდა იყოს მაღალი ხარისხის. შემსყიდველის მოთხოვნის შემთხვევაში მიმწოდებელმა უნდა წარუდგინოს ტექნიკური ზედამხედველობის განმახორციელებელ პირს (მოთხოვნილ მასალებზე) გამოყენებული მასალის ხარისხის დამადასტურებელი დოკუმენტაცია (სერტიფიკატები და სხვა).

7.3 მიმწოდებელი ვალდებულია შემსყიდველს გადასცეს უნაკლოდ შესრულებული სამუშაო.

7.4 მიმწოდებელი ვალდებულია შემსყიდველის მხრიდან შეტყობინების მიღებისთანავე დაიწყოს უხარისხოდ შესრულებული სამუშაოს ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

7.5 მიმწოდებელი პასუხისმგებელია მის მიერ შესრულებულ სამუშაოს ხარისხზე და პასუხს აგებს მთელი საგარანტიო ვადის განმავლობაში, გარანტია შესრულებულ სამუშაოებზე, გამოყენებულ მასალებზე, შეადგენს **2 (ორი) წელს** და აითვლება მხარეთა მიერ შესრულებულ სამუშაოებზე მიღება-ჩაბარების აქტის ხელმოწერის დღიდან. საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხოდ ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით შემსყიდველის მოთხოვნიდან არაუგვიანეს 10 (ათი) სამუშაო დღის ვადაში.

8. ანგარიშსწორება

8.1 ანგარიშსწორება მიმწოდებელთან განხორციელდება ლარში მის მიერ მითითებულ საბანკო ანგარიშზე.

8.2 ანგარიშსწორების ფორმა უნაღდო.

8.3 ანგარიშსწორება მიმწოდებელთან განხორციელდება შესრულებულ სამუშაოებზე სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ მიერ გაცემული დასკვნის (უზრუნველყოფს შემსყიდველი) საფუძველზე გაფორმებული საბოლოო მიღება-ჩაბარების აქტის, ფორმა N2-ის და საქართველოს კანონმდებლობით დადგენილი შესაბამისი დოკუმენტაციის წარმოდგენიდან 10 სამუშაო დღის განმავლობაში. ყველა დოკუმენტი ხელმოწერილი უნდა იყოს შემსყიდველისა და მიმწოდებლის მხრიდან გამოყოფილი უფლებამოსილი წარმომადგენლების მიერ.

9. ხელშეკრულების გადასინჯვა და ცვლილებების შეტანა

9.1 არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით ან/და ზეპირად შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

9.3 მხარეთა შეთანხმებით დასაშვებია ხელშეკრულების საერთო ღირებულების შეცვლა.

9.4 მიმწოდებელთან დადებული ხელშეკრულების პირობების (მათ შორის ერთეულის ფასის მატების კუთხით) შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

9.6 სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ცვლილება (ახალი პოზიციის დამატება) განხორციელდება მშენებლობის შემფასებელთა კავშირის „სამშენებლო რესურსების ფასებით“ განსაზღვრული ფასის ფარგლებში. ხოლო ანაზღაურება განხორციელდება ექსპერტიზის დასკვნის შესაბამისად, ფაქტობრივი დანახარჯების მიხედვით, მაგრამ არაუმეტეს ხარჯთაღრიცხვაში დაფიქსირებული ერთეულის ღირებულებებისა."

9.7 ხელშეკრულების პირობების ნებისმიერი ცვლილება უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

10. ხელშეკრულების პირობების შეუსრულებლობა

10.1 ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

10.2 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში შეწყვიტოს ხელშეკრულება და მიმწოდებელს დააკისროს ჯარიმა ხელშეკრულების საერთო ღირებულების 5%-ის ოდენობით.

10.3 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0.15%-ის ოდენობით. შემსყიდველი იტოვებს უფლებას მიიღოს გადაწყვეტილება საჯარიმო სანქციების გათვალისწინებით ხელშეკრულების გაგრძელების ან/და ხელშეკრულების ცალმხრივად შეწყვეტის შესახებ მე-13 მუხლის მე-13.2 პუნქტის შესაბამისად.

10.4 შემსყიდველი უფლებამოსილია, მიმწოდებლის მხრიდან სამუშაოების შესრულების ვადის (ხელშეკრულების 5.1 პუნქტი) ასევე ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში, მიმწოდებელს დააკისროს პირგასამტეხლო ყოველ ვადა გადაცილებულ დღეზე ხელშეკრულების ჯამური ღირებულების 0.15 %-ის ოდენობით.

10.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან (დარღვევის აღმოფხვრისაგან).

10.6 ჯარიმის დაკისრების შემთხვევაში მიმწოდებელი ვალდებულია დაკისრებული ჯარიმა გადაიხადოს მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ელექტრონულ ფოსტაზე შეტყობინების გადაგზავნიდან 1 (ერთი) თვის ვადაში და შემსყიდველს წარუდგინოს გადახდის დამადასტურებელი დოკუმენტი.

11. ფორს-მაჟორი

11.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. ხელშეკრულების მოქმედების ვადა

12.1 წინამდებარე ხელშეკრულება ძალაშია ხელშეკრულების გაფორმების თარიღიდან და და **მოქმედებს 2020 წლის 25 თებერვლის ჩათვლით**. მაგრამ არანაკლებ მხარეთა მიერ ნაკისრი ვალდებულებების სრულ და ჯეროვნად შესრულებამდე.

12.2 წინამდებარე ხელშეკრულების ის მუხლები, რომლებიც აწესრიგებს პირგასამტეხლოსთან დაკავშირებულ საკითხებს, მოქმედებენ მხარეთათვის განსაზღვრული შესაბამისი ვალდებულების სრულ და ჯეროვნად შესრულებამდე.

13. ხელშეკრულების შეწყვეტა

13.1 ხელშეკრულების სრული ან მისი ცალკეული პირობის მოქმედების შეწყვეტა დასაშვებია მხარეთა წერილობითი შეთანხმებით.

13.2 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ თუ მიმწოდებელი ვერ უზრუნველყოფს (არ ასრულებს ან არაჯეროვნად ასრულებს) ხელშეკრულების პირობების შესრულებას ან/და მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი და შემსყიდველი უფლებამოსილია მიმწოდებლის მიმართ გამოიყენოს მე-10 მუხლის 10.2 პუნქტით გათვალისწინებული ჯარიმა. შემსყიდველი იტოვებს უფლებას მიიღოს გადაწყვეტილება საჯარიმო სანქციების გათვალისწინებით ხელშეკრულების გაგრძელების ან/და ხელშეკრულების ცალმხრივად შეწყვეტის შესახებ მე-13 მუხლის მე-13.2 პუნქტის შესაბამისად.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 ხელშეკრულების შეწყვეტა არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5 შემსყიდველს უფლება აქვს მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში. მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

13.6 შემსყიდველი ხელშეკრულების სრული ან მისი ცალკეული პირობის შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

13.7 ამ მუხლის მე-13.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს წუნის გარეშე მიღებული ფაქტიურად შესრულებული სამუშაოს ღირებულება.

14. სხვა პირობები

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი ურთიერთმოლაპარაკების მეშვეობით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ. შეთანხმების მიუღწევლობის შემთხვევაში, მხარეებს დავის გადაწყვეტის მიზნით შეუძლიათ მიმართონ საქართველოს საერთო სასამართლოს.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლის და სხვა გადასახდელების გადახდაზე.

14.5 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.6 წინამდებარე ხელშეკრულების ნებისმიერი ცვლილება/დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და მხარეთა უფლებამოსილი წარმომადგენლების მიერ ხელმოწერილი.

14.7 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

14.8 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

14.9 ამ ხელშეკრულებით გათვალისწინებული პირობები რეგულირდება საქართველოს კანონმდებლობით მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მიმწოდებელი:

შპს „პოლიმერი“ დირექტორი

გიორგი ბოლქვაძე

შემსყიდველი:

შსს ქ. თბილისის პოლიციის დეპარტამენტის
საფინანსო-სამეურნეო უზრუნველყოფის
სამმართველოს უფროსი
გოგიტა პოპიაშვილი

A handwritten signature in blue ink, appearing to be 'G. Popiashvili', written over a horizontal line.

ხარჯთაღრიცხვა

შსს ქ. თბილისის პოლიციის დეპარტამენტის გლდანი-ნაძალადევის სამმართველოს, ისანი-სამგორის სამმართველოს III და VIII განყოფილებების ადმინისტრაციული შენობის სახურავის ჰიდროსაიზოლაციო სამუშაოების ხარჯთაღრიცხვა		
№	ობიექტების სამუშაოს დასახელება	ჯამი (ლარი)
1	გლდანი-ნაძალადევის სამმართველო	20443.82
2	ისანი-სამგორის სამმართველოს III განყოფილება	16684.03
3	ისანი-სამგორის სამმართველოს VIII განყოფილება	9399.46
ჯამი		46527.31
გაუთვალისწინებელი ხარჯი 5%		2326.37
ჯამი		48853.68
დაგროვებითი საპენსიო გადასახადი (ხელფასიდან დანარიცხების გარეშე) 2%		274.82
ჯამი		49128.50
დღგ 18%		8843.13
სულ ჯამი		57971.63

შ.ს.ს ქ. თბილისის პოლიციის დეპარტამენტის გლდან-ნაძალადევის სამმართველოს ადმინისტრაციული შენობის სახურავის ჰიდროსაიზოლაციო სამუშაოები										
№	ს ა მ უ შ ა ო თ ა დ ა ს ა ხ ე ლ ე ბ ა	განზომილება	ერთეული	მასალა		ხელფასი		სამშენებლო შეკანიშპები		ჯამი (ლარი)
			სულ	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	
1	ზედაპირის დამუშავება პოლურეთანის გრუნტით, ზხარების ჩაჭრა და ამოვსება პოლურეთანის გერმეტიკით, პოლურეთანის მემბრანის წასმა 3 ფენა და პოლურეთანის ულტრაიისფერმდეგი ცვეთამდეგი ფენის წასმა 1 ფენა	მ²	348.00	32.10	11170.80	17.35	6037.80	0.00	0.00	17208.60
ჯამი										17208.60
ზედნადები ხარჯები		10%								1720.86
ჯამი										18929.46
მოგება		8%								1514.36
სულ ჯამი										20443.82

შ.ს.ს. ქ. თბილისის პოლიციის დეპარტამენტის ისანი-სამგორის სამმართველოს III განყოფილების ადმინისტრაციული შენობის სახურავის ჰიდროსაიზოლაციო სამუშაოები										
№	ს ა მ უ შ ა ო თ ა დ ა ს ა ხ ე ლ ე ბ ა	განზომილება	ერთეული	მასალა		ხელფასი		სამშენებლო მექანიზმები		ჯამი (ლარი)
			სულ	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	
1	ზედაპირის დამუშავება პოლურეთანის გრუნტით, ზზარების ჩაჭრა და ამოვსება პოლურეთანის გერმეტიკით, პოლურეთანის მემბრანის წასმა 3 ფენა და პოლურეთანის ულტრაიისფერმედვეი ცვეთამედვეი ფენის წასმა 1 ფენა	მ²	284.00	32.10	9116.40	17.35	4927.40	0.00	0.00	14043.80
ჯამი										14043.80
ზედნადები ხარჯები		10%								1404.38
ჯამი										15448.18
მოგება		8%								1235.85
სულ ჯამი										16684.03

შ.ს.ს. ქ. თბილისის პოლიციის დეპარტამენტის ისანი-სამგორის სამმართველოს VIII განყოფილების ადმინისტრაციული შენობის სახურავის ჰიდროსაიზოლაციო სამუშაოები

№	ს ა მ უ შ ა ო თ ა დ ა ს ა ხ ე ლ ე ბ ა	განზომილება	ერთეული	მასალა		ხელფასი		სამშენებლო მექანიზმები		ჯამი (ლარი)
			სულ	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	ერთ.ფასი (ლარი)	მთ.ფასი (ლარი)	
1	ზედაპირის დამუშავება პოლურეთანის გრუნტით, ზზარების ჩაჭრა და ამოვსება პოლურეთანის გერმეტიკით, პოლურეთანის მემბრანის წასმა 3 ფენა და პოლურეთანის ულტრაიისფერმედვეი ცვეთამედვეი ფენის წასმა 1 ფენა	მ²	160.00	32.10	5136.00	17.35	2776.00	0.00	0.00	7912.00
ჯამი										7912.00
ზედნადები ხარჯები		10%								791.20
ჯამი										8703.20
მოგება		8%								696.26
სულ ჯამი										9399.46

მიმწოდებელი:
შპს „პოლიმერი“

შემსყიდველი:
შსს ქ.თბილისის პოლიციის დეპარტამენტი